

Wien, Österreichische Nationalbibliothek (ÖNB), Cod. 1273

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. II. Pars I. Wien 1799.

151

I O I C O D I C E S I I

152

CIII.

R. 6 *

Codex membraneus lat. Sec. XIII. Folior. 256. f. maj. charætere crassifculo, atro, luculento per duas columnas descriptus, literis initiorum auro et coloribus, ceterum minio distinctus **D. Pauli Epistolas** ita exhibet, ut Textus a Commentario multo minutius et compressius exarato circumdatus sit, ut in antiquioribus editionibus Corporum Juris civ. et can. Bibliorumque glossatorum videre est. Prologus infit: *Principia rerum requirenda sunt prius. ut eorum notitia plenior possit haberis.* Itaque te aut *Ambrosiastrum* illum, qui ad calcem T. II. Opp. Ambrosii edit. *Maur. col. 25.* extat, aut *Rab. Mauri Expositionem in Paulinas* præ manibus habere putas. Verum sequitur mox: *Si ergo epistolæ scripture post euangelium edite modum et rationem ostenderimus. poterit videri uerum quod dicimus.* Sciendum igitur quod sicut in ueteri testamento post legis mosayce eruditionem. ubi culture diuine mandata continebantur, prophætica doctrina fuit necessaria &c. Hinc Petrum Lombardum, ejusque, ut fert inscriptio edit. Paris. 1547. 8. *Collectanea in omnes D. Pauli Apostoli Epistolas; ex DD. Augustino, Ambroso, Hieronymo &c. contexta agnoscas,* quae in alia antiquissima Argentinensi Job. Mentelini, ut videtur, editione f. penna miniata *Glossa ordinaria* praenotantur. Atque e praedictis mox Patribus Petrum plurima sua

depromisse etiam *Codex noster* indicat, nominibus *Aug. Jer. Ambr.* in superiore cujusvis paginae ora conspicuis. Cur vero Noster Translationem suam iisdem sententiis, quibus memoratus *Ambrosiaster*, et post eum *Rabanus*, auspicari voluit? Periculo certe suo, apud eos, qui leætis primis *Codicum* lineis illico de Autore statuere amant. Exemplum nostrum integerimum et fane splendidum in Epistola ad *Hebr.* hisque verbis definit: *Gratia, id est, purgatio peccatorum et alia dei munera sint cum omnibus uobis Amen. Explicit.* Et theca membranea, cuius dorso Titulus Operis nunc extritus more hispanico per longum decurrebat, suspicor *Codicem* cum Bibliotheca Cardoniæ Palatinae illatum fuisse.

CIV.

Codex membraneus lat. Sec. U. 15 XIII. Folior. 182. f. eleganter perscriptus et rubricis distinctus complectitur omnes **D. Pauli Epistolas** ita, ut Textus grandiusculus lineis laxis medianam columnam teneat, *Walafridi Strabi Glossa* dicta *ordinaria* utrinque margines occupet, *Anselmi Laudunens.* dicta *interlinearis* Textui superimponatur, ut videre est in Editionibus *Bibliorum glossatorum*, in quibus etiam comparent *Argumenta* illa, quae in *Codice nostro* singulis Epistolis praefiguntur. Ita ad Romanos: *Romani sunt in partibus italiæ &c.* ubi Noster legit a falsis

Wien, Österreichische Nationalbibliothek (ÖNB), Cod. 1273

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. II. Pars I. Wien 1799.

153

HIEROGRAPHICI.

154

falsis prophetis pro Apostolis, et ad ueram et euangelicam fidem pro veram euangelicam &c. Post Epistolam ad Hebreos adscripta est eadem manu Spuria ad Laodicenses absque Glossa, et imperfector, quam quidem edita a Fabricio in Cod. Apocr. N. T. p. 873. item charactere valde minuto per duas columnas Prologus quidam in omnes, ut videtur, Pauli Epistolas, qui incipit: In exordio epistolarum quedam sunt requirenda generalia et quedam specalia. Generalia sunt que spectant ad totum corpus epistolarum &c. Mox dicitur: Multe enim questiones ut de matrimonio et electione pontificis hodie fierent, nisi ab apostolo soluendo forent preuente. Recentiora tempora haec respiciunt, cumque in Allegoria Jeremiae in lacum missi deinceps addatur: Adimelech eunuchus significat ordinem predicatorum qui dicuntur eunuchi quia semetipso propter regnum celorum babendum eunuchizauerunt &c. suspicatus sum Autorem ad

FF. Praedicatores pertinere, nihil tamen egi; neque enim Thomas Aqu. aut Nic. Gorramus, aut Petr. de Tarentasia, aut Petr. de Palude Commentaria sua in Paulum ita ordiuntur. Itaque rem in medio relinquo. Ultima Prologi hujus sunt: *Ad ultimum instruit de moribus et ita terminat tractatum suum uel epistolam.*

CV.

Codex chartaceus lat. Sec. XV. U. 155 Folior. 266. f. sat bene ita prescriptus, ut angustiorem columnam occupet Textus, latiorem vero Commentarius. Est vero Textus Epistolarum D. Pauli, Commentarius autem e variis Patribus et Interpretibus, praecipue Ambroso, Augustino et Haymone Halberstad. ad instar Glossae ordin. quae etiam delibatur, conflatus. Prooemium ita infit: *Sicut prophete post legem, sic et apostoli post euangelium rede scripserunt. &c* Subditi sunt hi versus μημονευτικοι

*Romam prima, due post banc venere corintum,
Quarta manet galathas et quinta fit ephesianis,
Sextaque philippis et septima missa colossis.
Octauam nonamque tenent thessalonicenses.
Bina timotheum, thitum post una salutat,
Deinde philemoni, post paulus scribit ebreis.*

Adjicit in margine ridiculus interpres: Ad corinthos gen chärn-
ten zal. Ad galathas gen peram.
Ad ephesios gen turkey. Ad phili-

penses gen philips zal. Ad colo-
censes gen gölczał. Ad thesaloni-
censes gen zahnek. Expositionis ad
Rom. initium est: *More scribenti-
um*